



## Løyve til opprydding i forureina grunn

### Husemoen 17, gards- og bruksnr. 139/250 i Ullensvang kommune

Fylkesmannen gir Lindum as løyve med heimel i forureiningslova § 11 jf. §§ 16 til opprydding i forureina grunn på nærare oppgitt stad. Løyvet er gitt på grunnlag av opplysningar i søknad av 7.6.2019 og opplysningar som kom fram under behandlinga av søknaden.

Løyvet gjeld frå i dag.

Dersom heile eller vesentlege delar av løyvet ikkje er tatt i bruk innan to år etter at løyvet tok til å gjelde, skal tiltakshavar sende ei utgreiing om status for tiltaket. Fylkesmannen vil då vurdere eventuelle endringar i løyvet.

#### Stad og ansvar

<b>Ansvarleg tiltakshavar</b>	Lindum as
<b>Postadresse</b>	Lerpevegen 155, 3036 Drammen
<b>Lokalitet</b>	Husemoen 17, Ullensvang
<b>Org.nummer (tiltakshavar)</b>	979618840
<b>Gards- og bruksnummer</b>	139/250

#### Referansane til Fylkesmannen

Løyvenummer	Anleggsnummer	Saksnummer
2019.0703.T	1231.0052.01	19/1941

Løyve gitt: 14.8.2019	Løyve sist endra: -
Hallvard Hageberg senioringeniør	Gøsta Hagenlund sjefingeniør
Løyvet er godkjent elektronisk	

## **1 Ramme for løyvet**

Løyvet gjeld fjerning av avfall og forureina grunn frå lokalitet 4047 Husemoen<sup>1</sup> med utgangspunkt i tiltaksplan utarbeidd av Norconsult 7.12.2018.

Heile tomta må sjåast under eitt og opprydding til akseptabel miljøtilstand må omfatte heile tomta.

## **2 Miljømål og akseptkriteria**

Etter gjennomført opprydding skal gjenverande forureining ikkje medføre uakseptabel helsesisiko for brukarar av området, eller for bruk av nærliggande areal. Det skal ikkje liggje att forureina masse i overflatelag med høgare tilstandsklasse enn 3.

Gjenverande forureining skal ikkje kunne spreiest i unødvendig eller uakseptabel grad til nærliggande vassdrag eller grunn.

Arealet kan nyttast til industriføremål eller til trafikk på køyresterkt dekke.

Det er ikkje tillate å grave i etablert asfaltdekke utan avklaring med forureiningsstyresmakt.

## **3 Tiltaket**

### **3.1 Gjennomføring**

Forureina masse i tilstandsklasse 4 og høgare skal leverast til godkjent avfallsmottak. Dette omfattar representative areal rundt prøvepunkta 1 – 4, 6, 8 og 9.

Avfall på og i forureina grunn skal sorterast frå med sikte på materialgjenvinning så langt praktisk råd. Både maskinell og manuell sortering kan vere nødvendig.

Stein med større diameter enn 40 mm kan sorterast frå og nyttast til utfyllingsføremål. Dersom massane er oljeforureina, må i tillegg stein med diameter inntil 80 mm leverast som forureina masse.

Utgraving og utskifting av masse må omfatte øvste 0,5 – 1 m, ned til grunnvassnivå.

Arbeidet skal ikkje føre til vesentleg auke i fare for spreiiing av helse- og miljøfarleg stoff utanfor tomta. Om nødvendig må arbeidet stansast i nedbørrik periode.

---

<sup>1</sup> Nummer og namn frå databasen Grunnforurensning

### 3.2 Mellomlagring og transport

Utgrave masse kan fråsorterast større stein og avfall på tomta Husemoen 17. Forureina masse og avfall skal ikkje mellomlagrast, og må fraktast direkte til avfallsanlegg (bil eller båt).

### 3.3 Plikt til å redusere forureining så langt som mogleg

All forureining under gjennomføring av tiltaket, under dette utslepp til luft og vatn, støy og avfall, er isolert sett uønskt. Sjølv om utsleppa blir haldne innanfor fastsette grenser, pliktar tiltakshavar å redusere sine utslepp – dette gjeld også for støy og ulemper frå lagring av avfall, så langt det er mogleg utan urimelege kostnader. Plikta omfattar også utslepp av komponentar som det ikkje er sett uttrykkeleg grenser for gjennom vilkår i løyvet.

### 3.4 Tiltakspflicht ved auka forureiningsfare

Dersom det som følgje av unormale driftstilhøve eller av andre grunnar oppstår fare for auka forureining, pliktar tiltakshavar så langt det er mogleg utan urimelege kostnader å setje i verk dei tiltaka som er nødvendige for å eliminere eller redusere den auka forureiningsfaren. Om nødvendig må aktiviteten reduserast eller innstillast.

Tiltakshavar skal så snart som mogleg informere Fylkesmannen om unormale tilhøve som har eller kan få forureiningsmessige følgjer. Akutt forureining eller fare for akutt forureining skal varslast i samsvar med gjeldande forskrift<sup>2</sup>. Tiltakshavar skal også så snart som mogleg varsle Fylkesmannen gjennom [fmvlp@fylkesmannen.no](mailto:fmvlp@fylkesmannen.no) i slike tilfelle.

### 3.5 Internkontroll

Tiltakshavar pliktar å etablere internkontroll for eigen del og eventuelle innleigde partar i samsvar med gjeldande forskrift<sup>3</sup>. Internkontrollen skal mellom anna sikre og dokumentere at tiltaket blir gjennomført i samsvar med krava i dette løyvet, forureiningslova, produktkontrolllova og relevante forskrifter til desse lovene.

Tiltakshavar skal alltid ha oversikt over alt som kan føre til forureining, og skal kunne gjere greie for risikoen med forureining.

### 3.6 Nærmiljø

Tiltakshavar skal sikre at forureining og anna ulempe utover det som er nødvendig og tillate i dette løyvet, vert reduserte til eit minimum. Plikta omfattar mellom anna reduksjon av utslepp til vatn og luft, lukt, støy, støv, skadedyr og framande plantar.

Tiltakshavar skal gjennomføre nødvendige tiltak for å hindre etablering og spreining av skadelege framande artar. Ved tiltak der det skal gravast og flyttast på massar, må det avklarast om det finst slike artar i tiltaksområdet. Om det finst framande artar i området, som er risikovurdert til svært høg (SE) og høg (HI) risiko, jf. Artsdatabanken, må

---

<sup>2</sup> Forskrift om varsling av akutt forureining eller fare for akutt forureining

<sup>3</sup> Systematisk helse-, miljø- og tryggleiksarbeid i verksemder (Internkontrollforskrifta)

det utarbeidast ein plan for korleis ein skal hindre at desse artane spreier seg. Vidare tiltak må gjennomførast i samsvar med planen.

Tiltaksområdet skal vere sperra av for å kunne hindre tilgjenge frå uvedkomande.

## **4 Utsleppskontroll og rapportering til Fylkesmannen**

### **4.1 Kontroll med utslepp til vatn**

Tiltakshavar skal kontrollere og dokumentere utslepp til vatn ved å gjennomføre vurderingar, og målingar der det er nødvendig.

Målingar skal utførast slik at dei blir representative for faktiske utslepp som følgje av aktiviteten og skal omfatte:

- utslepp av komponentar som er regulert gjennom grenseverdiar fastsett i forskrift
- utslepp av andre komponentar som kan ha miljømessig verknad og med det er omfatta av rapporteringsplikta

### **4.2 Oppdatering av databasen Grunnforurensning**

Tiltakshavar ska syte for at databasen Grunnforurensning blir oppdatert for lokaliteten "4047 Husemoen". Analysedata for kvart prøvepunkt skal importerast til databasen. Når tiltaket er gjennomført skal datasettet frå den miljøtekniske rapporten setjast til "historisk".

### **4.3 Sluttrapport**

Sluttrapport om tiltaket og bilete av tomta skal sendast til Fylkesmannen i Vestland innan tre månadar etter at tiltaket er avslutta,

## **5 Miljøovervaking**

Tiltakshavar er ikkje pålagt eigen overvaking av vassførekomst.

## **6 Tilsyn**

Tiltakshavar pliktar å la representantar for forureiningsstyresmakta eller dei som har mynde, føre tilsyn med tiltaket til ei kvar tid.